

PARLIMEN MALAYSIA
PEMBERITAHU PERTANYAAN DEWAN RAKYAT

PERTANYAAN : Lisan

DARIPADA : Dato' Abd Aziz Bin Sheikh Fadzir
[Kulim Bandar Baru]

TARIKH : 1 Ogos 2017

SOALAN : (Dato' Abd Aziz Bin Sheikh Fadzir) minta
MENTERI PERTANIAN DAN INDUSTRI
ASAS TANI menyatakan:-

apakah statistik jumlah golongan belia yang menceburi bidang usahawan pertanian yang terkini dan bagaimanakah usaha Kementerian dalam memperluaskan konsep program My Kampung My Future (MKMF) bagi golongan belia untuk lebih bergiat aktif dalam bidang pertanian dan penternakan.

JAWAPAN

Tuan Yang Dipertua,

Kementerian Pertanian dan Industri Asas Tani telah melaksanakan Program Agropreneur Muda bagi menarik minat golongan belia terlibat dalam sektor agromakanan.

Statistik golongan belia yang menceburi bidang usahawan pertanian di bawah program ini adalah seramai 3,517 orang dengan pecahan sektor seperti berikut:-

- i. Tanaman – 1,343 orang
- ii. Perikanan – 330 orang
- iii. Ternakan – 810 orang
- iv. Industri Asas Tani – 1,034 orang

My Kampung My Future (MKMF)

Program My Kampung My Future (MKMF) telah diperkenalkan dengan menggunakan pendekatan *National Blue Ocean Strategy* (NBOS) di bawah skop Transformasi Komuniti. Sasaran pelaksanaannya adalah supaya para belia terus berada di kampung dan menjalankan aktiviti pertanian dan bukan pertanian yang berpendapatan tinggi.

MKMF adalah bertujuan untuk membangunkan kawasan luar bandar di Malaysia dengan menggalakkan penyertaan belia di kampung-kampung melalui program pembangunan ekonomi dan sosial bagi tempoh 3 hingga 6 bulan.

MKMF dilaksanakan dengan kerjasama antara Kementerian Pertanian dan Industri Asas Tani dengan Kementerian Kemajuan Luar Bandar dan Wilayah, Kementerian Belia dan Sukan, Kementerian Pembangunan Wanita, Keluarga dan Masyarakat, Kementerian Pelancongan, Kerajaan Negeri serta 1Malaysia For Youth (1M4U) dan pelbagai agensi kerajaan lain. Kerjasama turut diwujudkan dengan penduduk kampung sendiri, terutamanya golongan belia, dalam memastikan kejayaan program dapat dinikmati dalam tempoh masa yang singkat.